

O desenvolvemento dos compromisos, obrigas e demais actuacións contidas no presente convenio rexeranse polo establecido nas cláusulas do mesmo.

OITAVA. INTERPRETACIÓN E INCUMPRIMENTOS

1. As dúbidas que se presenten na súa interpretación, no caso de discrepancias serán resoltas polo Presidente da Deputación da Coruña, visto o informe da Comisión de Seguimento, poñendo así fin á vía administrativa.
2. No caso de controversias xurdidas durante a execución do presente convenio, que non puidesen ser resoltas pola comisión de seguimento, serán da competencia da xurisdición contencioso-administrativa a súa resolución.
3. Serán causas de extinción deste convenio;
 - O non cumprimento do seu obxecto.
 - A inviabilidade na realización das actuacións descritas neste convenio, por causas non imputables ás partes.
 - O incumplimento de carácter total ou parcial de calquera das cláusulas do presente convenio. Entenderase por incumplimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
 - Denuncia por causas de interese público ou a instancia de calquera das partes.
4. Cada unha das situacións descritas no apartado anterior, por si soa, será causa suficiente de rescisión do convenio.

NOVENA. PUBLICIDADE

O convenio de Encomenda de Xestión será obxecto de publicidade de conformidade co disposto na Lei 19/2013 de 9 de decembro, de transparencia, acceso a información pública e bo Goberno, e no artigo 11.3 b) da Lei 40/2015 de 1 de outubro, de Réxime xurídico do sector público.

Neste senso, as partes prestan expresamente o seu consentimento para que se lle de ao presente convenio a publicidade esixida.

DÉCIMA. VIXENCIA DO CONVENIO

Este convenio producirá efecto a partir da súa sinatura. A súa vixencia manterase ata a entrega das obras ou no que, por motivos debidamente xustificadas, poidan acordar as administracións afectadas.

O presente convenio obriga ao cumprimento do expresamente pactado, someténdose as partes ao acordado en todas as estipulacións.

Faise constar que o presente convenio foi aprobado por acordo plenario da corporación provincial o 27 de xuño de 2025.

E en proba de conformidade asinan por duplicado exemplar o presente convenio no lugar e data indicados no encabezamento.

O PRESIDENTE DA
DEPUTACIÓN PROVINCIAL DA CORUÑA

A ALCALDESA-PRESIDENTA DO
CONCELLO DE SANTIAGO DE COMPOSTELA

Asdo. Valentín González Formoso

Asdo. Goretti Sanmartín Rei

O SECRETARIO XERAL
DA DEPUTACIÓN PROVINCIAL DA CORUÑA

Asdo. Miguel Iglesias Martínez



DEPUTACIÓN PROVINCIAL
A CORUÑA



CONCELLO DE
SANTIAGO

SERVIZO DE PATRIMONIO E CONTRATACIÓN

Número 82 /2025

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONCELLO DE SANTIAGO DE COMPOSTELA PARA LEVAR A CABO AS OBRAS DO PROXECTO CONSTRUTIVO DE "ACONDICIONAMENTO DO TRAZADO DE FERROCARRIL EN DESUSO SANTIAGO DE COMPOSTELA-CERCEDA PARA USO COMO VÍA VERDE DE COMPOSTELA-TAMBRE-LENGÜELLE / TRAMO 2.2 (T.M. DE SANTIAGO DE COMPOSTELA)"

Na Coruña, a 18 de setembro de 2025, na sede da Deputación Provincial da Coruña

Ante min, Miguel Iglesias Martínez, Secretario Xeral da Deputación Provincial da Coruña, como fedatario actuante.

REUNIDOS

Dunha parte, Don Valentín González Formoso, Presidente da Deputación Provincial da Coruña

Doutra parte, Dona Goretti Sanmartín Rei, Alcaldesa-Presidenta do Concello de Santiago de Compostela

Actuando no exercicio dos seus respectivos cargos e na representación que ostentan, e recoñecendo-se reciprocamente capacidade para obrigarse nos termos deste documento

EXPOÑEN

1. Desde 1993, antigos trazados ferroviarios en desuso están a ser acondicionados para ser percorridos por viaxeiros diferentes aos que os transitaban en tren: cicloturistas, camiñantes e persoas con mobilidade reducida. Estas actuacións encádranse no chamado "Programa Vías Verdes", desenvolvido no seu inicio polo Ministerio de Obras Públicas, Transportes e Medio Ambiente e actualmente promovido por moitas entidades locais e, na actualidade, promovidas activamente pola Fundación de los Ferrocarriles Españoles. As actuacións incluídas nas Vías Verdes constitúen un instrumento ideal para promover na nosa sociedade unha cultura nova do lecer e do deporte ao aire libre, da mobilidade non motorizada. Representan un claro apoio á cultura da bicicleta, ao xeneralizar o seu uso entre todos os cidadáns, desempeñando un importante papel educativo, en especial para os máis novos.

2. O Pleno da Deputación provincial da Coruña en sesión ordinaria celebrada o vinte e sete de outubro de dous mil dezasete tomou coñecemento e ratificou a Resolución da súa Presidencia núm. 32005/2017, do 16 de outubro, en cuxa virtude se aprobaba o Plan Director de Mobilidade Ciclista da Deputación da Coruña.

3. O concello de Santiago de Compostela aprobou o proxecto "Acondicionamento do trazado de ferrocarril en desuso Santiago de Compostela-Cerceda para uso como Vía Verde de Compostela-Tambre-Lengüelle / Tramo 2.2 (t.m. de Santiago de Compostela)", en adiante "Vía verde Santiago. Tramo 2.2.", polo Enxeñeiro de Camiños D. Ricardo Hueriga González, por un importe de 804.938,65 €, o cal recolle o detalle das obras necesarias para realizar o citado proxecto, por acordo da súa Xunta de Goberno de 17 de marzo de 2025.

Visto o anterior, considérase procedente a subscripción dun convenio de colaboración para a "encomenda de xestión" entre o Concello de Santiago de Compostela e a Deputación da Coruña para a execución das obras do proxecto construtivo "Vía verde Santiago. Tramo 2.2", que afectan ao término municipal do concello de Santiago de Compostela.

En consecuencia, considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración entre ambas as dúas administracións. Para o fin mencionado, formalízase o presente convenio entre a Deputación da Coruña e o Concello de Santiago de Compostela con suxeición as seguintes **CLÁUSULAS**:

PRIMEIRA. OBXECTO

1. O obxecto do presente convenio é regular a encomenda de xestión por parte do Concello de Santiago de Compostela a favor da Deputación da Coruña para a realización das obras recollidas no proxecto "Vía verde Santiago. Tramo 2.2" comprendido entre o camiño de As Pereiras (PQ 2+165) e a estrada

de acceso á localidade de Ramelle, no PQ 7+010 (T.M Santiago de Compostela), e que afectan a esta área municipal, documento que contén de xeito fidedigno as propostas técnicas e orzamentarias correspondentes para a súa realización práctica.

SEGUNDA. ORZAMENTO E PRAZO DE EXECUCIÓN

1. O orzamento de execución das obras estímase nuns OITOCENTOS TRINTA E TRES MIL TRESCENTOS NOVENTA E UN CON CINCUENTA E SETE (833.391,57 €) IVE incluído, e que corresponden ao Tramo 2.2. no cal se inclúen as actuacións a realizar no Concello de Santiago de Compostela:

a) Orzamento das obras que recolle o proxecto:

P.E.M	559.023,99 €
Gastos xerais (13 %)	72.673,12 €
Beneficio industrial (6 %)	33.541,44 €
Orzamento base de licitación sen IVE	665.238,55 €
IVE (21 %)	139.700,10 €
Orzamento base de licitación con IVE	804.938,65 €

b) Os custos derivados especificamente da execución da obra que se indican a continuación serán asumidos directamente pola deputación da Coruña, sendo calculados sobre o orzamento de execución material, que é de 559.023,99 €:

- Contrato de dirección de obra: 2,975 % + IVE = 20.123,46 €
- Contrato de seguridade e saúde: 0,49% IVE incluído = 2.739,22 €
- Contrato de control de calidade: 1% IVE incluído = 5.590,24 €

TOTAL: 28.452,92 €

O orzamento total de execución das obras ascende a un total de 833.391,57 €

2. O prazo de execución dos traballos estímase en seis (6) meses para o tramo que recolle as obras previstas no proxecto de referencia, e que afectan ao termo municipal de Santiago de Compostela, segundo as cláusulas e condicións recollidas nos seguintes puntos.

TERCEIRA. FINANCIAMENTO

O importe total do proxecto, mencionado na cláusula segunda apartado 1º, será cuberto coas seguintes achegas máximas:

- a) Deputación da Coruña 62,50 % sobre o orzamento de execución da obra: 503.086,66 €
- b) Concello de Santiago de Compostela 37,50 % sobre o orzamento de execución da obra: 301.851,99 €

No caso de que:

- o gasto finalmente realizado non acadase o importe total inicialmente previsto, tanto a Deputación como o Concello só achegarán o importe que corresponda a súa porcentaxe de financiamento.
- o gasto finalmente realizado sexa superior ao inicialmente previsto, debido a un proxecto modificado ou unha certificación final, a deputación e o concello aportarán o importe que corresponda á súa porcentaxe de financiamento.

Serán asumidos pola Deputación da Coruña os custos asociados á dirección de obra, seguridade e saúde e control de calidade.

O detalle dos custos totais da execución da obra son os seguintes:

TIPO DE CUSTO	IMPORTE	DEPUTACIÓN DA CORUÑA	% ACHEGA	CONCELLO DE SANTIAGO	% ACHEGA
Execución da obra	804.938,65 €	503.086,66 €	62,50 %	301.851,99 €	37,50 %
Dirección de obra	20.123,46 €	20.123,46 €	100 %	---	---
Seguridade e Saúde	2.739,22 €	2.739,22 €	100 %	---	---
Control de calidade	5.590,24 €	5.590,24 €	100 %	---	---
TOTAIS	833.391,57 €	531.539,58 €	63,78 %	301.851,99 €	36,22 %

Os gastos derivados da seguridade e saúde e control de calidade, por 8.329,46 €, imputaranse ao contratos vixentes da Deputación para as ditas prestacións.

En canto á execución da obra e a dirección de obra por importe total de 825.062,11 €, imputarase á aplicación orzamentaria 0520/4545/650.

CUARTA. COMPROMISOS DO CONCELLO DE SANTIAGO DE COMPOSTELA

En virtude da sinatura do presente convenio o Concello de Santiago de Compostela, obrígase dentro do seu termo municipal a:

1. Como trámite previo á licitación das obras, presentar unha certificación xustificativa da efectiva dispoñibilidade dos terreos necesarios, libres de cargas e gravames e co réxime urbanístico axeitado, para a execución das obras as que se refiren as actuacións descritas no proxecto construtivo “Vía Verde Santiago.Tramo 2.2.” e que afectan a esta área municipal, así como a reposición de servizos e servidumes afectados. Así mesmo, asumirá a realización das xestións pertinentes ante os organismos que corresponda, para a obtención dos permisos, licencias e autorizacións regulamentarias, correndo cos custos que se xeren, dentro do seu termo municipal, cando así sexa requirida pola Deputación da Coruña.
2. Facilitar a realización das obras correspondentes ao proxecto “Vía Verde Santiago.Tramo 2.2.”.
3. Unha vez realizadas as obras pola Deputación Provincial da Coruña e coa asistencia do persoal designado polo Concello de Santiago de Compostela, procederase a :

3.1. Formalizar a acta de recepción con representante designado polo Concello de Santiago de Compostela, xunto co técnico competente que determine.

3.2. Formalizar a acta de entrega á entidade municipal da obra realizada, asumindo ésta a súa explotación, mantemento e conservación como titular destas, ou se fose o caso por parte dos entes titulares afectados no ámbito territorial do Concello de Santiago de Compostela.

4. Unha vez recibida a certificación de pagos realizados pola deputación para a execución material da obra, transferir á deputación da Coruña o importe que resulte de aplicar a porcentaxe de financiamento correspondente ao importe certificado.

QUINTA. COMPROMISOS DA DEPUTACIÓN PROVINCIAL DA CORUÑA

1. O proxecto construtivo “Vía Verde Santiago. Tramo 2.2”, contempla as obras previstas no proxecto de obra ao que se refire o presente convenio, que recolle de xeito fidedigno as directrices técnicas establecidas no Plan Director de Mobilidade Ciclista da deputación da Coruña.
2. Imputar o financiamento das obras recollidas no proxecto construtivo referido no apartado anterior, que se executarán no termo municipal de Santiago de Compostela, conforme aos planos e resto de documentación técnica do mesmo, á aplicación orzamentaria provincial 0520/4545/650.
3. Aprobar o proxecto construtivo, unha vez comprobado o cumprimento de todas as esixencias legais que fosen requiridas para a súa execución, e levar a cabo as actuacións de contratación, execución e dirección das obras descritas no proxecto e formalizar os actos de recepción das mesmas.
4. Comunicar ao Concello de Santiago de Compostela a data e hora para o acto de recepción das obras pola Deputación Provincial da Coruña, ao cal deberá asistir o representante designado polo Concello de Santiago de Compostela, xunto co técnico competente que determine. Unha vez formalizada a recepción, procederase a continuación a facer a acta de entrega das obras realizadas ao Concello de Santiago de Compostela, ou se fora o caso a aqueles entes titulares afectados no ámbito territorial municipal, sen prexuízo das responsabilidades que correspondan ao contratista derivadas do contrato de obra.
5. Remitir ao Concello de Santiago de Compostela certificación dos pagos realizados na execución material da obra.

SEXTA. COMISIÓN DE SEGUIMIENTO

1. Constituirase unha comisión de seguimento formada por un representante do Concello de Santiago de Compostela e outro representante da Deputación Provincial da Coruña. As súas funcións, entre outras, serán as seguintes:
 - Impulsar, avaliar e vixiar o cumprimento do presente convenio naqueles aspectos técnicos obxecto deste, propoñendo as actuacións que se consideren precisas.
 - Interpretar, nos casos de dúbida, o contido do presente convenio.
 - Resolver as posibles controversias que puideran xurdir na aplicación do convenio.
2. Esta comisión reunirase as veces que se estimen oportunas para o cumprimento do presente convenio. En todo caso, a solución das incidencias estará condicionada polas limitacións orzamentarias indicadas na cláusula quinta.

SÉTIMA. NATUREZA E RÉXIME XURÍDICO DO CONVENIO

Este convenio ten natureza administrativa e será de aplicación o Decreto 246/92, do 30 de xullo, polo que se regulan as condicións de execución das obras públicas en réxime de cooperación coas corporacións locais e outros entes de dereito público, rexendo na súa interpretación e desenvolvemento o ordenamento xurídico administrativo, en especial a Lei 40/2015, do 1 de outubro, de Réxime xurídico do sector público con expresa submisión das partes á xurisdición contencioso-administrativa.